



Nils Chr. Harnes

6440 ELNESVÅGEN

Fræna kommune - løyve til planting av edelgranartar for juletreproduksjon på gnr56 bnr216 Nils Christian Harnes

Fylkesmannen i Møre og Romsdal gjev Nils Christian Harnes løyve til utsetting av fjelledelgran, fraseredelgran og nordmannsgran for juletreproduksjon på gnr 56 bnr 216 i Fræna kommune. Løyvet gjeld for 1200 stk. tre på eit areal på ca. 3 daa, UTM 6968940 409500, jf. avmerka areal i vedlegget til søknaden.

Løyvet er gitt med heimel i §§ 4 og 5 i "*Forskrift om utsetting av utenlandske treslag til skogbruksformål*". Det er sett vilkår til løyvet.

Vi viser til søknad datert 01.02.2013. Søknaden gjeld utsetting av fjelledelgran (*Abies lasiocarpa*), fraseredelgran (*Abies fraseri*) og nordmannsgran (*Abies nordmanniana*) på eiendommen 57/216 i Fræna kommune. Plantefeltet er avmerka i kartvedlegget til søknaden. Formålet med utsettinga er juletreproduksjon. Søknaden gjeld 400 stk tre av kvar art på eit samla areal på 3 dekar.

Utsetting av utanlandske treslag krev løyve etter forskrift om utsetting av utenlandske treslag til skogbruksformål av 25.05.2012 (heretter kalla forskrifta). Formålet med forskrifta er å *hindre at utsetting av utenlandske treslag medfører eller kan medføre uheldige følger for naturmangfoldet*, jf. § 1.

Søknaden skal vurderast etter prinsippa i §§ 8-12 i naturmangfaldlova (NML), jf. § 7 i NML.

Vurdering

Ved vurdering av om det skal gjevast løyve til utsetting, skal eventuelle uheldige følgjer for naturmangfaldet vektleggast. Det skal leggast særleg vekt på om treslaget og eventuelle følgjeorganismar medfører risiko for uheldige følgjer for det biologiske mangfaldet. Det kan ikkje gjevast løyve viss det er grunn til å tru at utsettinga vil medføre vesentlege uheldige følgjer for det biologiske mangfaldet, jf. § 7 i forskrifta. Utplanting av utanlandske treslag kan ha ein negativ påverknad på naturmangfaldet ved å endre den naturlege artssamansetnaden og dei økologiske funksjonane på staden.

Kunnskapsgrunnlaget (NML § 8)

Fjelledelgran er klassifisert av Artsdatabanken som ein art med lav risiko. Fraseredelgran og nordmannsgran er ikkje vurdert, og vi legg til grunn at desse har tilsvarende låg risiko. Slike artar har per i dag ikkje nokon kjent påverknad på norsk natur ut over den effekten dei har på det arealet dei er planta på.

I følgje søknaden er føremålet med utsettinga å produsere juletre. Trea blir difor hausta før dei set kongler, og feltet vert rydda etter at salgbare tre er hogde. Det er difor ingen fare for spreiring av desse artane til naturen kring feltet.

Vi har vurdert dei naturfaglege kvalitetane til plantearealet. Det vert oppgjeve at dette er tidlegare beite- og dyrkamark som er i delvis gjengroing med gråorskog. Feltet ligg ute på ei lita øy ute i Moaelva, med gråorskog mot elva på alle kantar. Plantefeltet vil ikkje kome i konflikt med den lakseførande elva. Det er ingen registreringar i Naturbase i høve raudlisteartar, kulturlandskap eller andre relevante verdiar. Vi har heller ikkje funne grunn til å gjennomføre tilleggsregistreringar for å evt. avklare om den tidlegare dyrkamarka kan vurderast som den utvalde naturtypen slåttemark.

Føre-var-prinsippet (NML § 9)

Vi vurderer vidare at behovet for å avslå, evt. krevje tilleggsutgreiningar på grunnlag føre-var-prinsippet er lite.

Økosystemtilnærming og samla belastning (NML § 10)

Vi kan ikkje sjå at planting medfører noko belastning som skulle utløyse noko uheldig, samla situasjon for eit område eller ein naturtype.

Kostnadane ved miljøforring (NML § 11)

Nils Chr. Harnes kan påleggast å fjerne utilsikta spreiring av dei utplanta edelgranartane. Fylkesmannen kan pålegge tiltak etter NML §§ 69-73.

Miljøforsvarlege teknikkar og driftsmetodar (NML § 12)

Fjerning av alle trea før frøsetting vil vere eit tilstrekkeleg tiltak for å hindre spreiring. I tillegg er den som har fått løyvet til utsetting pliktig til å føre internkontroll, jf. § 10 i forskrifta.

Konklusjon

Vi vurderer det til å vere små negative effektar på naturmangfaldet i utsettingsområdet som følgje av planting av fjelledelgran, fraseredelgran og nordmannsgran. Med bakgrunn i opplysningane i søknaden og kunnskapsgrunnlaget, vurderer vi spreingsfaren som svært låg, og faren for negative økologiske effektar som liten.

Fylkesmannen i Møre og Romsdal gir Nils Christian Harnes etter dette løyve til utsetting av fjelledelgran, fraseredelgran og nordmannsgran på gnr 56 bnr 216 som omsøkt. Løyvet gjeld for 400 stk. tre av kvar art på eit samla areal på 3 daa på avmerka areal i vedlegget til søknaden, jf. §§ 4 og 5 i *Forskrift om utsetting av utenlandske treslag til skogbruksformål*. Vi viser vidare til krava i forskrifta §§ 8, 9 og 10 om hhv. varsemd, informasjonsplikt og krav til internkontroll.

Det vert sett følgjande vilkår til løyvet:

- 1) Etter at felta er hausta, skal alle ikkje-omsettbare tre fellast. Dette skal gjerast slik at det ikkje kjem skott frå greiner eller stubbe. Feltet skal uansett ryddast innan år 2025.
- 2) Det er ikkje tillate å fjerne tre med voksedyktig rot frå feltet. Dette skal hindre ukontrollert spreining av artane.
- 3) Dersom det vert oppdaga spreining av tre utanfor plantefelta, skal desse fjernast, og Fylkesmannen i Møre og Romsdal må varslast.
- 4) Løyvet skal oppbevarast hos tiltakshavar og grunneigar inntil vilkåra i løyvet er oppfylt, jf. § 7 fjerde ledd i forskrifta.

Vedtaket kan påklagast til Direktoratet for naturforvaltning innan tre veker i samsvar med forvaltningslova. Ein eventuell klage skal opplyse om kva endringar ein ønskjer i vedtaket, og skal sendast til Fylkesmannen i Møre og Romsdal.

Med helsing

Ulf Lucasen (e.f.)
seksjonssjef

Ola Betten

Dokumentet er elektronisk godkjent og har ingen signatur.

Kopi:

Direktoratet for naturforvaltning	Postboks 5672 Sluppen	7485	TRONDHEIM
Fræna kommune		6440	ELNESVÅGEN